

依讲我讲 沪语码头 上海滩最早个小菜场

上海闲话是上海这座城市个血脉，血脉流通，城市就会保持活力——就像大家感受老深个地铁一样，假使地铁既没形成网络，葛末地铁勿会得充分发挥方便快捷个作用。同样，要是方言只局限在屋里向讲，形勿成像现在地铁能介【这样】个“网络”，葛末，方言就勿能够真正起到交流作用。上海闲话作为上海个大众文化，也完全应该拉本地个多种大众场合得到传播机会。

现在，仍旧有 1000 多万人平常口头浪讲上海闲话，还有得报纸开专版、电台播音、电视台办节目、公交报站名、课程进学堂、文化活动竞赛啥【等等】传播方式，不过，还可以传播得更加广泛一点。可以讲，用上海闲话报地铁站名，也是一种必然个选择。

甭个是因为，一，地铁用上海闲话报站，体现了一个城市对文化个坚守，也是一种文化个自信，现代化交通工具是完全应该、可以接纳传统个本地文化个，上海应该首先成为世界上语言、文化多元和谐个乐园，只要肯安排，有地方文化特色个方言是可以担当得起地铁报站个服务职能个，甭个已经被其他用方言拉地铁报站个城市证明得清清楚楚了。关键是有有关部门重视勿重视，是勿是立即行动起来。二，甭个也是人群交流个需要，上海个地铁应该首先为上海人民服务好。拉地铁听到报站辰光讲个上海闲话，长期拉国内、国外其他地方生活回来个人，就触及得着一种无形个乡愁情结；勿熟悉上海闲话个人，可以从地铁个报站声音当中体会到上海这座城市个文化特质；经常讲上海闲话个人，会觉得特别亲切。地铁浪个上海闲话，为多元文化社会个交流，又开开了一扇本来就有个门。三，方言需要有一个好个语言环境。地铁是大容量个公共交通工具，是城市个基础服务设施。本地居民搭仔（与）八方来客既要乘用地铁，各种人群汇聚一道，普通闲话是首选。先用了普通闲话报站，再加上上海闲话报站，听个人多，既可以各取所需，还可以用一定个形式拉地铁甭个人来入往的公共空间扩展上海闲话个影响。

具体来讲，地铁乘员众多，正可以发挥拉人群当中传承上海闲话个特殊作用；地铁浪还有得线路图、有得普通闲话先报站名、乘员还可以看得到一个个车站，所以听到上海闲话更加容易理解；另外，一趟趟乘地铁可以反复听上海闲话，积累起来会印象更深；特别要讲清爽个是，由于普通闲话先报站，所以是勿会得影响推广普通闲话个。国家领导人最近讲，推广普通话搭仔加强对方言的抢救保护并勿矛盾。

本期“沪语小考”答案：1.d 2.b 3.b

三十多年前“第一湾”

迭张照片告 80、90 后个上海小青年勿专门说明，恐怕伊拉随便哪能个到海就是后来被称为“亚洲第一湾”个延安路外滩当年个景象。埃辰光过江只有靠轮渡，黄浦江成了一道天然障碍，所以浦西甬头个外滩与一江之隔白纸一张个浦东陆家嘴完全是两个天地。当然，回转头来看看现在个陆家嘴，依更会恍若梦境，开发开放后陆家嘴、浦东新区个变化真称得上是奇迹。

陆杰 摄 林庸 文

沪上老照片

沪语小考

请选择正确答案填进去

1. 介重要个事体摆辣伊眼前，伊也勿敢出头去顶一顶，真是一只_____。

a. 三脚猫 b. 软脚蟹 c. 柴草人 d. 软脚蟹

2. 参加末参加辣海个，做事体未热情也既没，勿上劲个，碰着依甬种_____也算倒霉了！

a. 回笼水 b. 温吞水 c. 荷兰水 d. 沙滤水

3. 依看依外面跑了一圈，出了一点汗，一件汗衫_____个。

a. 湿漉漉 b. 湿搭搭 c. 湿塔塔 d. 湿淋淋

金木

答案请在本期找

“米”

文/周伟民

分人钱袋鼓了起来，钞票多得“热昏”，一万块钞票，伊拉竟然会称为“一粒米”，或者“一只米”。一开始接触迭种叫法，还真有点勿习惯。

不过，闲话掉过来讲，上海解放初期，还真有过一段用“米”来结算工资个时期。当时新中国刚刚诞生，百废待兴，物价也勿太稳定，为了保障正常生活，人民政府采取了用“米”结算工资个政策，划定一个时间段，以每个工人工资可以买到个米个数量，折算成“单位”，比如可以买五百斤大米个，就算五个“单位”，往后，就以米价个波动，浮动工资，米价上去，工资上去，米价下来，工资下来，反正勿管米价哪能波动，能保证依个工资能买到相对应数量个米。虽然实行个时间勿长，随了国民经济迅速走向正规，以“米”结算工资个政策也就退出了历史舞台。

现在个说法，是上海人个怀旧心理，还是由“米”引申出新意，吃勿大准，但听到“结米”个说法，想想过去走过个艰苦历程，应该是有所感悟个。

老上海个热天味道

文图 / 阿仁

黄梅天一过，热天来了。上海个冷天可以冻煞东北人，上海个热天也能够热昏广东人。老底仔个上海人是用啥个法子来熬过大热天个？伊个辰光，大家既没家用空调机，大多数个人家买勿起也勿起电风扇。人手一把扇子是上海人抵挡热天个主要武器。男人用折扇。女人用檀香扇、香木扇。老人用蒲扇。蒲扇是以晒干个香蒲叶子做成个，大，轻。搨起来风大个劲。每一家人家少不了几把、甚至一叠大小蒲扇。有客人来走动，主人家奉上一杯凉茶之后还会呈上一把蒲扇，大家一道来人工降温。屋里向能够摆出一台会摇头转向个华生牌电风扇个就可以算大人家了。档子更高一档个人家辣客堂间、厢房里装了吊扇个，就可以称为当时个有铜钿人家了。蒲扇则是每家每户必备个夏令用品。蒲扇还可以用来赶苍蝇、拍蚊子。用旧用破了就下放到灶披间里去搨风生煤炉。现在个上海滩已经很难看到、买到蒲扇了。蒲扇，乃至几乎所有个纸扇、绢扇、竹扇几乎都被家用电器逼出了历史舞台。蒲扇，再会。牵记忆。

热天，上海人欢喜乘风凉。太阳落山、路灯初上，上海人就到弄堂里、马路口摆出各种各样个摊头来乘乘风凉。先用几铅桶自来水冲冲街面、降降温度，再搬出小板凳、藤靠椅、长凳、方桌占据地盘。一家老小尽数出动。几家邻居围辣一圈个就攀谈家常、茄茄山河。大人喝茶，小囡白相。老先生看看棋，小朋友打打牌。乘风凉是上海滩大热天里必勿可少个一道风景线。热天还是上海人谈恋爱、轧朋友个时令季节。热天里介绍朋友相会，双方可以穿戴简便，勿必行头毕挺。一身时髦打扮，开销太大。热天里男士可以显露好身胚，女士可以展示嗲身段。大家看得真切。热天里荡荡马路，吃点冷饮，孵孵冷气开放个电影院，也用勿了多少大投入。名扬天下个外滩恋爱角也是大热天里出个镜头。热恋，就是上海人大热天里测谈出来个。依相信哦？

老上海包打天下个冷饮第一可以算是赤豆棒冰、绿豆棒冰了。“棒冰吃哦？棒冰！”已成上海大小弄堂里个绝响了。如今家家都有冰箱或者冰柜。棒冰已经被冰淇淋、紫雪糕驱逐。到超市里去买了一箱棒冰来塞进冰箱里个主角多半是 40 后、50 后个阿哥、阿娘了。要尝尝小辰光个味道，辣大热天里那就是硬棚棚、甜咪咪个棒冰滋味了。还有个，是苦滋滋个大麦茶，是冰冰冰冰个百合汤。还能回味出多少热天里个苦与甜，请来补充。